

Somniantibus non est adhibenda fides.

Somnia, noctivaga elusi phantasmata sensus.
Nam cum membra quies laxat, multoque soluti
Somno artus, curaque thoro tacuere sepultæ
Quæ prius externo subierunt limina mentis,
Inerno hærescunt sensu; mentita relucet
Effigies, intusque aspecta resultat imago.
Cum fluidus tenui calor implet sanguine venas,
In venerem, ruit, & cæcos mens cæcior ignes
Ille fretum visus, fluviosque innare rapaces,
Iam mare, iam miser absorptus, cui frigidus humor
Membra lavat gelida, & pallentes irrigat artus.
Alter Pyramide aerâ, saxoque labanti
Pendere, & summas ne quicquam prendere turres,
Perque leves, levior visus diabier auras,
Mox iterum ingentes circumstrepere undique flammæ,
Audit, flamma sinus illi, & præcordia lambit,
Ut, quos corde premit, vicinos somniet ignes;
At contra terrena gravant quam pondera mentem
Dæmona, nescio quem, credit, sed dæmona credit
Horrendo imperium spelæo, & tristia iussa
Exercere, videt stygium (si credere dignum est)
In somnis sævire Iovem, cum nocte cruentas
Divideret leges, dictisque immanibus umbras
Umbras concuteret tremulas, populumque nigrantem:
Iamque fugam parat, atque altos præmittere quæstus,
Hærent, incertoque soni cum murmure languent.

ERGO

Qui somno credit, soli quoque fidat Aprili
Atque austros idem speret, Zephirosque fideles.

*Intellectus non est verus
priusquam indicat.*

Verum animus quoties quærit perfectaque rebus
Distinguit falsis; intus sub mente repostas
Ordine secernit formas, aptasque futuro
Semina Iudicio: mox omnia pensitat idem
Falsaque denudat iudex, verumque reponit;
At cum rerum animus primas ex lumine formas
Accepit nec Iudicii dum in regna remisit,
Apparet veri facies, sed nescia veri,
Quæque incomplexâ deludit imagine sensus,
Et delusa acies tremula sub luce labascit;
At cum Iudicii solio (cui certa sacrandi
Sceptra animus, verumque dedit discernere falsis)
Sistuntur species, rigidoque examine mentis
Libratas animi firmat censura, resurgit
Certum Iudicii lumen, verumque refulget;
Sic quando furvis cælum nox implicat vlnis
Omnibus vnus erit vultus, color omnibus vnus,
Perfectum retinent reduci iam sole colorem.

ERGO

Cum sine Iudicio mixtum mens nescia verum
Spectat, Iudicii solum sententia firmat.